

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02 -14-4-2873-6/19  
Datum: 15.08.2019.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav 1. tačka a), a u vezi sa članom 70. stav 1., 3. i 6. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine, u postupku javne nabavke usluga servisiranja motornih vozila, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

**ODLUKU**  
**O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA**

1. Prihvata se preporuka Komisije za sukcesivne javne nabavke i okvirni sporazum za javnu nabavku usluga servisiranja motornih vozila za potrebe Uprave policije Ministarstva unutrašnjih poslova Kantona Sarajevo dodjeljuje se ponuđačima:

- Autodelta d.o.o. Sarajevo, i to za:
  - ✓ LOT 1 – sukcesivna nabavka usluga servisiranja motornih vozila marke VW, za ponuđenu cijenu od 167.500,00 KM bez PDV-a
- DRR AUTO d.o.o. Kiseljak, i to za:
  - ✓ LOT 2 - sukcesivna nabavka usluga servisiranja motornih vozila marke Škoda, za ponuđenu cijenu od 25.704,00 KM bez PDV-a

2. Postupkom javne nabavke predviđeno je potpisivanje Okvirnog sporazuma na period od 3 (tri) godine. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

3. Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranim ponuđačima Autodelta d.o.o. Sarajevo i DRR AUTO d.o.o. Kiseljak po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

4. Izabrani ponuđači dužni su da u roku od 5 (pet) dana od dana prijema ove Odluke dostave dokumente navedene u tačkama 12. i 13.2. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

5. Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

**Obrazloženje**

Na osnovu Odluke broj: 02-14-4-2873/19 od 28.05.2019. godine i Obavještenja o nabavci broj: 16475-1-2-51-3-48/19 od 30.05.2019. godine, proveden je otvoreni postupak javne nabavke usluga servisiranja motornih vozila za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-14-4-2873/19 od 12.07.2019.godine, za aktivno učešće u postupku dostavljene su ponude ponuđača: Unitrade d.o.o. Ljubuški, Saradis d.o.o. Sarajevo, Autodelta d.o.o. Sarajevo i DRR AUTO d.o.o. Kiseljak.

Navedeni ponuđači podnijeli su ponude za sljedeće lotove:

- LOT 1 – sukcesivna nabavka usluga servisiranja motornih vozila marke VW: DRR AUTO d.o.o. Kiseljak i Autdelta d.o.o. Sarajevo
- LOT 2 – sukcesivna nabavka usluga servisiranja motornih vozila marke Škoda: Unitrade d.o.o. Ljubuški, DRR AUTO d.o.o. Kiseljak, Saradis d.o.o. Sarajevo i Autodelta d.o.o. Sarajevo

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-14-4-2873-5/19 od 31.07.2019. godine, kojim je utvrdila sljedeće:

- da ponude ponuđača Unitrade d.o.o. Ljubuški, Autodelta d.o.o. Sarajevo i DRR AUTO d.o.o. Kiseljak sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjavaju sve zahtjeve Ugovornog organa

- da ponuda ponuđača Saradis d.o.o. Sarajevo za LOT 2 je nepotpuna i ne ispunjava uslove tražene tenderskom dokumentacijom.

Naime, tačkom 13.1. tenderske dokumentacije u smislu člana 46. Zakona o javnim nabavkama, Ugovorni organ je tražio original ili ovjerenu kopiju Aktuelnog izvoda iz sudskog registra. Aktuelni izvod koji je priložen u ponudi nije adekvatno ovjeren od nadležnog organa. Takođe, Izjava o ispunjenosti uslova iz člana 45. stav 1. tačaka od a) do d) Zakona o javnim nabavkama BiH, koja treba biti ovjerena kod nadležnog organa, nije adekvatno ovjerena od strane istog. Na strani 2.2 u ponudi ponuđača Saradis d.o.o. Sarajevo je kopija stranice Obrasca za cijenu ponude, dakle nije original. Tačkom 13.3. tenderske dokumentacije u smislu člana 50. (tehnička i profesionalna sposobnost) Zakona o javnim nabavkama BiH, Ugovorni organ je tražio „spisak izvršenih ugovora i potvrdu o realizovana najviše 3 ugovora iz oblasti predmetne nabavke... u toku posljednje tri godine... u visini minimalno 50% od procjenjene vrijednosti predmetne nabavke.“ U ponudi ponuđača Saradis d.o.o. Sarajevo na strani 14. je potvrda o urednom izvršenju ugovora, u kojoj nigdje nije navedena da je po spomenutim Okvirnim sporazumima potpisan ugovor, dakle nema ni broja ni datuma ugovora sa ukupnom vrijednosti koja je realizovana. Naime, navode se Okvirni sporazumi i njihove vrijednosti, iz kojih nije jasno koja vrijednost je i realizovana za period koji je naveden u potvrdi. Ugovorni organ je u TD na strani 7. u tački 13.3. jasno naveo šta potvrda treba da sadrži, koje podatke, što od strane ovog ponuđača nije ispoštovano. U skladu sa naprijed navedenim, ponuda ponuđača Saradis d.o.o. Sarajevo nije prihvatljiva.

U pristiglim ponudama Komisija je prilikom pregleda i ocjene ponuda utvrdila i postojanje računskih grešaka u ponudi ponuđača Autodelta d.o.o. Sarajevo i to za LOT 1 i LOT 2.

Ugovorni organ je uputio zahtjev za ispravku računске greške navedenom ponuđaču, isti je u odgovoru na zahtjev izjavio da daje saglasnost za ispravku računskih grešaka.

Nakon ovoga stekli su se uslovi za zakazivanje e-aukcije.

E-aukcija je zakazana za dan:

- 05.08.2019. godine sa početkom u 12.00 sati za LOT 1 i u 12.30 sati za LOT 2.

Postupajući u skladu sa članom 3., te članom 4. stav 6. Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka iste.

U toku e-aukcije došlo je do smanjivanja cijena i podnošenja novih ponuda za LOT 1 i LOT 2.

U skladu sa Izvještajem Agencije za javne nabavke i konačnom rang listom ponuđača koji su učestvovali u e-aukciji, Ugovorni organ je prihvatio ponude prvorangiranih ponuđača, i to:


- Autodelta d.o.o. Sarajevo sa konačnom cijenom za:
  - ✓ LOT 1 – sukcesivna nabavka usluga servisiranja motornih vozila marke VW sa ukupnom cijenom ponude u iznosu od 167.500,00 KM bez PDV-a
- DRR AUTO d.o.o. Kiseljak sa konačnom cijenom za:
  - ✓ LOT 2 – sukcesivna nabavka usluga servisiranja motornih vozila marke Škoda sa ukupnom cijenom ponude u iznosu od 25.704,00 KM bez PDV-a.

U postupku donošenja ove Odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa Zapisnikom o pregledu i ocjeni ponuda i Izvještajem o toku i završetku e-aukcije riješeno je kao u dispozitivu.

**Pouka o pravnom lijeku:** Protiv ove Odluke može se izjaviti žalba Uredu za razmatranje žalbi, putem ovog Ugovornog organa, u pisanoj formi, neposredno, elektronskim putem, faxom ili poštom preporučeno, u roku od 10 (deset) dana od dana prijema ove Odluke, a u skladu sa članom 99. i 101. stav 1. tačka d) Zakona o javnim nabavkama BiH („Službeni glasnik BiH“ broj:39/14).



**Dostaviti:**

1. Komisiji za sukcesivne nabavke
2. Ponuđačima x4
3. Odjeljenju za odnose s javnošću, radi objave na web stranici ovog organa
4. a/a